

# Seminar o sudskoj reformi

Juče i danas se na Bjelašnici održao seminar na kojem je učestvovalo oko 70 sudija i pravnika iz cjelokupne BiH, u organizaciji ABA/CEELI, projekta američke advokatske komore financiranog od strane USAID u cilju unaprijeđenja pravne i pravosudne reforme u BiH, i IRZ-a, njemačke fondacije za međunarodnu pravnu pomoć, u saradnji sa Nezavisnom sudskom komisijom. Seminar su otvorili ministar pravosuđa Federacije BiH gosp. Zvonko Mijan i predstavnik ministarstva pravde Republike Srpske gosp. Nikola Kovačević, nakon čega je uslijedila diskusija o novom nacrtu zakona o parničnom postupku i zakona o izvršenju.

U višemjesečnom postupku izrade ovih zakona su učestvovala stručne radne grupe entitetskih ministarstava pravosuđa, sastavljene uglavnom od domaćih stručnjaka, ali i predstavnika Nezavisne sudske komisije i ABA/CEELI. Izražena je nada da će se konačne verzije nacрта, koje su skoro identične za oba entiteta, dostaviti entitetskim vladama početkom mjeseca avgusta ove godine.

Nacrti se oslanjaju na već provedene reforme u Distriktu Brčko, te sadrže najviši stepen evropskih standarda i prakse. Cilj ovih zakona je da se osigura veća efikasnost sudskih postupaka, uz što manje odlaganja i brže donošenje odluka. Nakon mnogobrojnih kritika na račun nemogućnosti sudskog sistema da pravovremeno djeluje u interesu građana, strategija pravosudne reforme se u posljednjih 18 mjeseci uglavnom usmjerila na povećavanje efikasnosti rada svih sudova. Reforma parničnog postupka i postupka izvršenja je od suštinskog značaja kako za ekonomski razvoj tako i za podsticanje domaćih i stranih ulaganja, pošto će se njome osigurati poštivanje potpisanih ugovora i ostvarivanje prava povjerenika.

Seminar je omogućio sudijama, koji će imati krajnju odgovornost za provedbu novih zakona, da daju svoj doprinos

postupku izrade kako bi se osiguralo da konačni tekstovi budu provedeni u praksi te da ispunjavaju zadate ciljeve.